



**Broj: 02-50-1-16-31/09**

**Sarajevo: 18.6.2009. godine**

**ZAPISNIK**

**31. sjednice Doma naroda**

**Parlamentarne skupštine Bosne i Hercegovine,  
održane 18.6.2009.godine**

Sjednica je počela u 11 sati.

Sjednicom je predsjedavao Ilija Filipović, predsjedavajući Doma naroda Parlamentarne skupštine BiH.

Sjednici je prisustvovalo 15 delegata.

Osim delegata, na sjednici Doma naroda bili su predstavnici: Vijeća ministara BiH, međunarodnih organizacija i sredstava javnog informiranja.

Nakon rasprave u kojoj je učestvovao Mladen Ivanić, Dom naroda usvojio je sljedeći dopunjeni

**DNEVNI RED**

1. Odgovori na delegatska pitanja i delegatska pitanja;
2. Usvajanje Zapisnika 30. sjednice Doma naroda;
3. Izvještaj Zajedničke komisije za usaglašavanje teksta Prijedloga zakona o izmjenama i dopunama zakona o finansiranju institucija BiH;
4. Zahtjev Vijeća ministara BiH za razmatranje Prijedloga zakona o usvajanju Zakona o izmjenama i dopunama Zakona o uplatama na jedinstveni račun i raspodjeli prihoda, po hitnom postupku u skladu s članom 122. Poslovnika Doma naroda;
5. Zahtjev Vijeća ministara BiH za razmatranje Prijedloga zakona o izmjenama i dopunama Zakona o uplatama na jedinstveni račun i raspodjeli prihoda, po hitnom postupku u skladu s članom 122. Poslovnika Doma naroda;
6. Zahtjev Vijeća ministara BiH za razmatranje Prijedloga zakona o izmjenama i dopunama Zakona o sistemu indirektnog oporezivanja u Bosni i Hercegovini, po hitnom postupku u skladu s članom 122. Poslovnika Doma naroda;
7. Prijedlog zakona o parlamentarnom vojnom povjereniku BiH (drugo čitanje), predlagači: delegati Branko Zrno i Slobodan Šaraba;
8. Prijedlog zakona o izmjenama i dopunama Zakona o Državnoj agenciji za istragu i zaštitu (drugo čitanje), predlagač: Vijeće ministara BiH;
9. Prijedlog zakona o izmjenama i dopunama Zakona o Graničnoj policiji BiH (drugo čitanje) predlagač: Vijeće ministara BiH;
10. Prijedlog zakona o fiskalnim kasama (drugo čitanje), predlagač: Predstavnički dom;
11. Prijedlog zakona o zaštiti domaće proizvodnje u okviru Sporazuma CEFTA (drugo čitanje), predlagač: Predstavnički dom;
12. Prijedlog zakona o akcizama BiH (drugo čitanje), predlagač: Vijeće ministara BiH;
13. Prijedlog zakona o javnim nabavkama, (prvo čitanje), predlagač: Vijeće ministara BiH;

14. Prijedlog zakona o izmjenama i dopunama Zakona o konkurenciji (prvo čitanje), predlagač: Vijeće ministara BiH;
15. Prijedlog zakona o izmjeni Zakona o ministarstvima i drugim organima uprave BiH (prvo čitanje), predlagač: Vijeće ministara BiH;
16. Prijedlog revidirane strategije Bosne i Hercegovine za provođenje Aneksa VII. Dejtonskog mirovnog sporazuma (prijedlog Vijeća ministara BiH);
17. Strategija prevencije i borbe protiv nasilja u porodici u BiH za period od 2009. do 2011. godine;
18. Plan aktivnosti za ispunjavanje obaveza iz preporuka Evropske komisije u vezi s Mapom puta za liberalizaciju viznog režima za građane Bosne i Hercegovine;
19. Izvještaj o provođenju zakona u nadležnosti Centralne izborne komisije BiH;
20. Izvještaj o zaštiti ličnih podataka u BiH i o radu Agencije za zaštitu ličnih podataka u BiH;
21. Izvještaj o utrošku sredstava Predsjedništva BiH za 2008. godinu, u skladu sa Ustavom BiH član V tačka 3. (g);
22. Prijedlog rezolucije o unapređenju zaštite porodice u BiH, predlagač: delegat Hilmo Neimarlija;
23. Prijedlog odluke o izmjeni Odluke o osnivanju Vijeća nacionalnih manjina BiH, predlagač: Zajednička komisija za ljudska prava, prava djeteta, mlade, imigraciju, izbjeglice, azil i etiku;
24. Prijedlog odluke o dopuni Odluke o imenovanju članova Vijeća nacionalnih manjina BiH, predlagač: Zajednička komisija za ljudska prava, prava djeteta, mlade, imigraciju, izbjeglice, azil i etiku;
25. Davanje saglasnosti za ratifikaciju Sporazuma o kreditu između Bosne i Hercegovine, koju zastupa Ministarstvo finansija i trezora BiH, i Raiffeisen Zentralbank Österreich Aktiengesellschaft – Razvoj sistema vodosnabdijevanja u općini Livno;
26. Davanje saglasnosti za ratifikaciju Međunarodnih zdravstvenih propisa (2005.);
27. Davanje saglasnosti za ratifikaciju Sporazuma između Vijeća ministara BiH i Vijeća ministara Republike Albanije o saradnji u borbi protiv kriminala, posebno terorizma, ilegalne trgovine drogom i organiziranog kriminala;
28. Davanje saglasnosti za ratifikaciju Sporazuma o ekonomskoj saradnji između Vijeća ministara BiH i Vlade Republike Srbije;
29. Davanje saglasnosti za ratifikaciju Aneksa II. Sporazuma između BiH i Kraljevine Norveške o finansiranju projekta u korist pravosuđa i/ili sudova i tužilaštva u BiH;
30. Davanje saglasnosti za ratifikaciju Dodatnog protokola uz Krivičnopravnu konvenciju protiv korupcije /ETS 191/, Strazbur, 15. maja 2003.;
31. Davanje saglasnosti za ratifikaciju Evropske konvencije o obavještenjima o stranom pravu s Dodatnim protokolom;
32. Davanje saglasnosti za ratifikaciju Amandmana na Konvenciju o osnivanju Vijeća za carinsku saradnju;
33. Davanje saglasnosti za ratifikaciju Protokola između Ministarstva sigurnosti BiH i Ministarstva unutrašnjih poslova Republike Srbije o provođenju zajedničkih patrola uz zajedničku državnu granicu;
34. Davanje saglasnosti za ratifikaciju Protokola između Ministarstva sigurnosti BiH i MUP-a Republike Srbije o održavanju redovnih sastanaka predstavnika graničnih policija na državnom, regionalnom i lokalnom nivou;
35. Davanje saglasnosti za ratifikaciju Sporazuma između Vijeća ministara BiH i Vlade Crne Gore o provođenju graničnih provjera na zajedničkim graničnim prijelazima.

#### **Ad.1. Odgovori na delegatska pitanja i delegatska pitanja**

Odgovore na delegatska pitanja dobio je delegat Slobodan Šaraba - na pitanja postavljena na 28. i 29. sjednici Doma.

Delegat Slobodan Šaraba izjasnilo se da je djelimično zadovoljan dobivenim odgovorom.

**Delegat Dušanka Majkić** postavila je sljedeće pitanje OHR-u:

S obzirom da je Ured visokog predstavnika u BiH/ EUSR veoma netransparentan kada je u pitanju njeno finansiranje i plaćanje odgovarajućih dažbina u BiH, molim visokog predstavnika da mi odgovori na sljedeće pitanje:

Kada će OHR/EUSR početi plaćati porez na plaće i doprinose za svoje zaposlene u punom iznosu i time prestati s klasičnom utajom poreza i doprinosa na plaće u Republici Srpskoj i Federaciji BiH?

**Delegat Slobodan Šaraba postavio je sljedeće pitanje** Ministarstvu za ljudska prava i izbjeglice BiH.

Šta namjerava preduzeti resorno ministarstvo za lica izbjegla iz Hrvatske koja ne mogu da vrate svoje stanarsko pravo u Hrvatskoj a žele da se nastane i žive u BiH?

**Delegat Hazim Rančić postavio je sljedeće pitanje** Vijeću ministara BiH:

„S obzirom da je članom 15 . Zakona o Vijeću ministara BiH utvrđeno da zamjenu ministra i zamjenika ministara potvrđuje Parlamentarna skupština BiH, da li predsjedavajući Vijeća ministara BiH namjerava dostaviti Domu naroda Parlamentarne skupštine BiH svoju odluku o smjeni zamjenika ministra prometa i komunikacija BiH i zamjenika ministra odbrane BiH za politiku i planiranje na potvrđivanje, kako je to uradio Predstavnički dom Parlamentarne skupštine BiH?“

## **Ad. 2. Usvajanje Zapisnika 30. sjednice Doma naroda**

Predsjedavajući Doma naroda otvorio je raspravu o ovoj tački dnevnog reda. Nije bilo delegata prijavljenih za raspravu.

Dom naroda jednoglasno je usvojio Zapisnik 29. sjednice Doma naroda.

## **Ad. 3. Izvještaj Zajedničke komisije za usaglašavanje teksta Prijedloga zakona o izmjenama i dopunama zakona o finansiranju institucija BiH**

Predsjedavajući Doma naroda otvorio je raspravu o ovoj tački dnevnog reda. U raspravi je učestvovao Božo Rajić.

Dom naroda jednoglasno je usvojio Izvještaj Zajedničke komisije za usaglašavanje teksta Prijedloga zakona o izmjenama i dopunama zakona o finansiranju institucija BiH, pa je samim tim i Zakon **usvojen**.

## **Ad.4. Prijedlog zakona o akcizama BiH (drugo čitanje), predlagač: Vijeće ministara BiH**

Predsjedavajući Doma naroda otvorio je raspravu o ovoj tački dnevnog reda. U raspravi su učestvovali: Mladen Ivanić, Adem Ibrahimpašić i Slobodan Šaraba.

Dom naroda je, s 13 glasova „za“, jednim „protiv“ i jednim „suzdržanim“ glasom, usvojio Zakon o akcizama BiH u identičnom tekstu kao i Predstavnički dom.

**Ad. 5. Zahtjev Vijeća ministara BiH za razmatranje Prijedloga zakona o usvajanju Zakona o izmjenama i dopunama Zakona o uplatama na jedinstveni račun i raspodjeli prihoda po hitnom postupku, u skladu s članom 122. Poslovnika Doma naroda**

Predsjedavajući Doma naroda otvorio je raspravu o ovoj tački dnevnog reda. Nije bilo delegata prijavljenih za raspravu.

Dom naroda je, s 14 glasova „za“ i jednim glasom „protiv“, usvojio zahtjev Vijeća ministara BiH za razmatranje Prijedloga zakona o usvajanju Zakona o izmjenama i dopunama Zakona o uplatama na jedinstveni račun i raspodjeli prihoda po hitnom postupku, nakon čega je, s 13 glasova „za“, jednim „protiv“ i jednim „suzdržanim“ glasom, Zakon **usvojen**.

**Ad. 6. Zahtjev Vijeća ministara BiH za razmatranje Prijedloga zakona o izmjenama i dopunama Zakona o uplatama na jedinstveni račun i raspodjeli prihoda po hitnom postupku, u skladu s članom 122. Poslovnika Doma naroda**

Predsjedavajući Doma naroda otvorio je raspravu o ovoj tački dnevnog reda. Nije bilo delegata prijavljenih za raspravu.

Dom naroda je, s 14 glasova „za“ i jednim glasom „protiv“, usvojio zahtjev Vijeća ministara BiH za razmatranje Prijedloga zakona o usvajanju Zakona o izmjenama i dopunama Zakona o uplatama na jedinstveni račun i raspodjeli prihoda po hitnom postupku, nakon čega je, s 13 glasova „za“, jednim „protiv“ i jednim „suzdržanim“ glasom, Zakon **usvojen**.

**Ad. 7. Zahtjev Vijeća ministara BiH za razmatranje Prijedloga zakona o izmjenama i dopunama Zakona o sistemu indirektnog oporezivanja u Bosni i Hercegovini po hitnom postupku, u skladu s članom 122. Poslovnika Doma naroda**

Predsjedavajući Doma naroda otvorio je raspravu o ovoj tački dnevnog reda. Nije bilo delegata prijavljenih za raspravu.

Dom naroda je, s 14 glasova „za“ i jednim glasom „protiv“, usvojio zahtjev Vijeća ministara BiH za razmatranje Prijedloga zakona o izmjenama i dopunama Zakona o sistemu indirektnog oporezivanja u Bosni i Hercegovini po hitnom postupku, nakon čega je, s 13 glasova „za“, jednim „protiv“ i jednim „suzdržanim“ glasom, Zakon **usvojen**.

**Ad. 8. Prijedlog zakona o parlamentarnom vojnom povjereniku BiH (drugo čitanje), predlagači: delegati Branko Zrno i Slobodan Šaraba**

Predsjedavajući Doma naroda otvorio je raspravu o ovoj tački dnevnog reda. U raspravi su učestvovali Branko Zrno i Zoran Koprivica.

Dom naroda je, s 11 glasova „za“, tri „protiv“ i jednim „suzdržanim“ glasom, usvojio Zakon o parlamentarnom vojnom povjereniku BiH, čiji su predlagači delegati Branko Zrno i Slobodan Šaraba.

**Ad. 9. Prijedlog zakona o izmjenama i dopunama Zakona o Državnoj agenciji za istrage i zaštitu (drugo čitanje), predlagač: Vijeće ministara BiH**

Predsjedavajući Doma naroda otvorio je raspravu o ovoj tački dnevnog reda. U raspravi su učestvovali: Hazim Rančić, Branko Zrno i Ivo Miro Jović.

Delegat Hazim Rančić u plenarnoj fazi je podnio osam amandmana.

Nakon glasanja o svim amandmanima posebno, predsjedavajući je konstatovao da je iz Federacije BiH deset delegata glasalo „za“ a iz Republike Srpske četiri delegata „protiv“, tako da

zbog nepostojanja entitetske većine nijedan od predloženih amandmana **nije usvojen**. Nakon toga je predsjedavajući odmah sproveo usaglašavanje. Kolegij nije postigao saglasnost.

U drugom krugu glasanja delegati su glasali o svim podnesenim amandmanima. Deset delegata iz Federacije BiH je glasalo „za” i četiri delegata iz Republike Srpske glasalo je „protiv” tako da amandmani **nisu usvojeni**

Nakon glasanja o amandmanima Dom naroda jednoglasno je usvojio Zakon o izmjenama i dopunama Zakona o Državnoj agenciji za istrage i zaštitu u identičnom tekstu kao i Predstavnički dom.

#### **Ad. 10. Prijedlog zakona o izmjenama i dopunama Zakona o Graničnoj policiji BiH (drugo čitanje), predlagač: Vijeće ministara BiH**

Predsjedavajući Doma naroda otvorio je raspravu o ovoj tački dnevnog reda. U raspravi su učestvovali Hazim Rančić i Ivo Miro Jović.

Delegat Ivo Miro Jović u plenarnoj fazi podnio je tri amandmana i Hazim Rančić dva amandmana.

Prvo se glasalo o amandmanima delegata Ive Mire Jovića.

S trinaest glasova „za” i jednim „uzdržanim” glasom, sva tri amandmana delegata Ive Mire Jovića su **usvojena**.

Nakon izjašnjavanja o amandmanima delegata Ive Mire Jovića, prisutni delegati pristupili su izjašnjavanju o amandmanima delegata Hazima Rančića.

Amandman I delegata Hazima Rančića s šest glasova „za”, pet glasova „protiv” i tri „uzdržana” glasa **nije usvojen**.

Amandman II delegata Hazima Rančića s devet glasova „za”, tri glasa „protiv” i dva „uzdržana” glasa, zbog nepostojanja entitetske većine nije usvojen nakon čega je predsjedavajući sproveo usaglašavanje u Kolegiju. Kolegij nije postigao saglasnost.

U drugom krugu glasanja s 10 glasova „za”, tri glasa „protiv” i jednim „uzdržanim” glasom Amandman II delegata Hazima Rančića je **usvojen**.

Nakon glasanja o amandmanima Dom naroda jednoglasno je **usvojio** Zakon o izmjenama i dopunama Zakona o Graničnoj policiji BiH sa sljedećim amandmanima:

#### **AMANDMAN I.**

U članu 9., kojim se mijenja član 14. ranijeg Zakona o Graničnoj policiji BiH, (imenovanje, razrješenje direktora i zamjenika direktora) u stavu 1. riječ „Ministarstva” zamjenjuje se riječju „**ministra**”.

#### **AMANDMAN II.**

U članu 10. Prijedloga zakona o izmjenama i dopunama Zakona o Graničnoj policiji BiH (dužnosti i odgovornosti direktora) kojim se mijenja raniji član 15. Zakona o Graničnoj policiji BiH, u stavu 2., iza tačke d) potrebno je dodati novu tačku e) koja glasi:

**„provođenje aktivnosti nabavke materijalno-tehničkih sredstava, koja Vijeće ministara BiH nije propisalo kao standardiziranu opremu”:**

a predložene tačke e), f), g) i h) postaju tačke f), g), h) i i).

#### **AMANDMAN III.**

U članu 13., kojim se mijenja član 18. ranijeg Zakona o Graničnoj policiji BiH, u stavu 1., iza riječi „operativnu” dodaje se riječ „**policijsku**”.

#### **AMANDMAN IV.**

U članu 14., kojim je izmijenjen član 20., stav 3. izmijenjenog člana mijenja se i glasi:  
 „3. saradnja sa stranim organima za provođenje zakona u krivičnim stvarima obavlja se preko Direkcije za koordinaciju policijskih tijela BiH i drugih nadležnih organa i institucija BiH“.

Budući da je Prijedlog zakona **usvojen u različitom tekstu** od teksta koji je usvojio Predstavnički dom, Dom naroda imenovao je sljedeće delegate **za članove Zajedničke komisije za usaglašavanje teksta Zakona:**

Hazima Rančića  
 Dragu Ljubičića  
 Ivu Miru Jovića

#### **Ad. 11. Prijedlog zakona o fiskalnim kasama (drugo čitanje), predlagač: Predstavnički dom**

Predsjedavajući Doma naroda otvorio je raspravu o ovoj tački dnevnog reda. U raspravi su učestvovali: Dušanka Majkić, Slobodan Šaraba, Zoran Koprivica, Mladen Ivanić, Adem Ibrahimpašić i Božo Rajić.

S obzirom da u prvom krugu glasanja nije bilo entitetske većine, obavljeno je usaglašavanje u Kolegiju Doma kao komisiji (nije bilo saglasnosti). Potom je u drugom krugu glasanja, s devet glasova „za“ iz Federacije BiH, jednim glasom iz Republike Srpske, i četiri glasa „protiv“ iz Republike Srpske, Prijedlog zakona o fiskalnim kasama **odbijen**.

#### **Ad. 12. Prijedlog zakona o zaštiti domaće proizvodnje u okviru Sporazuma CEFTA (drugo čitanje), predlagač: Predstavnički dom**

Predsjedavajući Doma naroda otvorio je raspravu o ovoj tački dnevnog reda. U raspravi su učestvovali: Alma Čolo, Slobodan Šaraba, Rudo Vidović, Ivo Miro Jović, Božo Rajić, Adem Ibrahimpašić, Zoran Koprivica, ministar vanjske trgovine i ekonomskih odnosa BiH - Mladen Zirojević, Branko Zrno, Hilmo Neimarlija, Mladen Ivanić i Dušanka Majkić.

Dom naroda je, s devet glasova „za“, i pet glasova „protiv“, **usvojio** Zakon o zaštiti domaće proizvodnje u okviru Sporazuma CEFTA, čiji je predlagač Predstavnički dom.

#### **Ad. 13. Prijedlog zakona o javnim nabavkama BiH (prvo čitanje), predlagač: Vijeće ministara BiH**

Predsjedavajući Doma naroda otvorio je raspravu o ovoj tački dnevnog reda. U raspravi su učestvovali Dušanka Majkić i Alma Čolo.

Dom naroda jednoglasno je **usvojio** u prvom čitanju Prijedlog zakona o javnim nabavkama BiH.

#### **Ad. 14. Prijedlog zakona o izmjenama i dopunama Zakona o konkurenciji (prvo čitanje), predlagač: Vijeće ministara BiH**

Predsjedavajući Doma naroda otvorio je raspravu o ovoj tački dnevnog reda. Nije bilo delegata prijavljenih za raspravu.

Dom naroda jednoglasno je **usvojio** u prvom čitanju Prijedlog zakona o izmjenama i dopunama Zakona o konkurenciji sa sljedećim zaključkom:

„S obzirom da Predstavnički dom Parlamentarne skupštine BiH još nije završio proceduru usvajanja Prijedloga zakona o izmjenama i dopunama Zakona o konkurenciji, produžava se amandmanska faza za ovaj prijedlog zakona do 48 sati prije održavanja sjednice Komisije, na kojoj će biti razmatran“.

**Ad. 15. Prijedlog zakona o izmjeni Zakona o ministarstvima i drugim organima uprave BiH (prvo čitanje), predlagač: Vijeće ministara BiH**

Predsjedavajući Doma naroda otvorio je raspravu o ovoj tački dnevnog reda. Nije bilo delegata prijavljenih za raspravu.

Dom naroda jednoglasno je **usvojio** u prvom čitanju Prijedlog zakona o izmjeni Zakona o ministarstvima i drugim organima uprave BiH.

**Ad.16. Prijedlog revidirane strategije Bosne i Hercegovine za provođenje Aneksa VII. Dejtonskog mirovnog sporazuma (prijedlog Vijeća ministara BiH)**

Predsjedavajući Doma naroda otvorio je raspravu o ovoj tački dnevnog reda. U raspravi su učestvovali: Dušanka Majkić, Hilmo Neimarlija, Zoran Koprivica, Alma Čolo, Slobodan Šaraba, Drago Ljubičić, Ivo Miro Jović, predstavnik predlagača Safet Halilović i Adem Ibrahimpašić .

Budući da u prvom krugu glasanja nije bilo entitetske većine, obavljeno je usaglašavanje u Kolegiju Doma kao komisiji (nije bilo saglasnosti). Potom je u drugom krugu glasanja, s devet glasova „za“ iz Federacije BiH, četiri glasa „protiv“ i jednim „suzdržanim“ glasom iz Republike Srpske, Prijedlog revidirane strategije Bosne i Hercegovine za provođenje Aneksa VII. Dejtonskog mirovnog sporazuma **je odbijen**.

**Ad. 17. Strategija prevencije i borbe protiv nasilja u porodici u BiH za period od 2009. do 2011. godine**

Predsjedavajući Doma naroda otvorio je raspravu o ovoj tački dnevnog reda. Nije bilo delegata prijavljenih za raspravu.

Dom naroda jednoglasno **je usvojio** Strategiju prevencije i borbe protiv nasilja u porodici u BiH za period od 2009. do 2011. godine sa sljedećim zaključkom:

“Obavezuje se Ministarstvo za ljudska prava i izbjeglice BiH da, šest mjeseci nakon usvajanja Strategije, izvrši reviziju radi njenog usklađivanja s dokumentima iz ove oblasti koji su u proceduri donošenja na entitetskom nivou”.

**Ad. 18. Plan aktivnosti za ispunjavanje obaveza iz preporuka Evropske komisije u vezi s Mapom puta za liberalizaciju viznog režima za građane Bosne i Hercegovine**

Predsjedavajući Doma naroda otvorio je raspravu o ovoj tački dnevnog reda. U raspravi je učestvovao Ivo Miro Jović.

Dom naroda jednoglasno je **primio k znanju** Plan aktivnosti za ispunjavanje obaveza iz preporuka Evropske komisije u vezi s Mapom puta za liberalizaciju viznog režima za građane Bosne i Hercegovine.

**Ad. 19. Izvještaj o provođenju zakona u nadležnosti Centralne izborne komisije BiH**

Predsjedavajući Doma naroda otvorio je raspravu o ovoj tački dnevnog reda. U raspravi su učestvovali Slobodan Šaraba i Zoran Koprivica.

Dom naroda jednoglasno **je usvojio** Izvještaj o provođenju zakona u nadležnosti Centralne izborne komisije sa sljedećim zaključkom:

„Dom naroda traži od svojih članova u interresornoj radnoj grupi, koja radi na izradi novog teksta Zakona o sukobu interesa u institucijama vlasti BiH, da iz novog teksta brišu mjeru zabrane kandidiranja kao mjeru koja je suprotna Evropskoj konvenciji o ljudskim pravima“.

**Ad. 20. Izvještaj o zaštiti ličnih podataka u BiH i o radu Agencije za zaštitu ličnih podataka u BiH**

Predsjedavajući Doma naroda otvorio je raspravu o ovoj tački dnevnog reda. Nije bilo delegata prijavljenih za raspravu.

Dom naroda jednoglasno **je usvojio** Izvještaj o zaštiti ličnih podataka u BiH i o radu Agencije za zaštitu ličnih podataka u BiH.

**Ad. 21. Izvještaj o utrošku sredstava Predsjedništva BiH za 2008. godinu, u skladu sa Ustavom BiH, član V. tačka 3. (g)**

Predsjedavajući Doma naroda otvorio je raspravu o ovoj tački dnevnog reda. Nije bilo delegata prijavljenih za raspravu.

Dom naroda jednoglasno **je primio k znanju** Izvještaj o utrošku sredstava Predsjedništva BiH za 2008. godinu, s mišljenjem nadležne komisije.

**Ad.22. Prijedlog rezolucije o unapređenju zaštite porodice u BiH, predlagač: delegat Hilmo Neimarlija**

Predsjedavajući Doma naroda otvorio je raspravu o ovoj tački dnevnog reda. U raspravi je učestvovao Hilmo Neimarlija.

Dom naroda jednoglasno **je usvojio** Rezoluciju o unapređenju zaštite porodici u Bosni i Hercegovini, čiji je predlagač delegat Hilmo Neimarlija.

**Ad. 23. Prijedlog odluke o izmjeni Odluke o osnivanju Vijeća nacionalnih manjina BiH, predlagač: Zajednička komisija za ljudska prava, prava djeteta, mlade, imigraciju, izbjeglice, azil i etiku**

Predsjedavajući Doma naroda otvorio je raspravu o ovoj tački dnevnog reda. U raspravi je učestvovao Zoran Koprivica.

Dom naroda jednoglasno **je usvojio** Odluku o izmjeni Odluke o osnivanju Vijeća nacionalnih manjina BiH.

**Ad. 24. Prijedlog odluke o dopuni Odluke o imenovanju članova Vijeća nacionalnih manjina BiH, predlagač: Zajednička komisija za ljudska prava, prava djeteta, mlade, imigraciju, izbjeglice, azil i etiku**

Predsjedavajući Doma naroda otvorio je raspravu o ovoj tački dnevnog reda. U raspravi je učestvovao Slobodan Šaraba.

Dom naroda jednoglasno **je usvojio** Odluku o dopuni Odluke o imenovanju članova Vijeća nacionalnih manjina BiH, te je u Vijeće nacionalnih manjina BiH imenovana Hidajeta Redžić (Crnogorka) na period od stupanja na snagu ove odluke do 30.4.2010., a Nedeljko Tomašević (Crnogorac) od 1.5.2010. do kraja ovog saziva.



Prije prelaska na razmatranje sljedećih tačaka dnevnoga reda predsjedavajući Doma naroda je predložio da se Dom izjasni o tome da se davanje saglasnosti za ratifikaciju za sve navedene tačke objedini što je jednoglasno usvojeno.

Predsjedavajući Doma naroda otvorio je raspravu o ovim tačkama dnevnoga reda. Nije bilo delegata prijavljenih za raspravu. Dom naroda jednoglasno je dao saglasnost za ratifikaciju:

- Ad.25. Sporazuma o kreditu između Bosne i Hercegovine, koju zastupa Ministarstvo finansija i trezora BiH, i Raiffeisen Zentralbank Österreich Aktiengesellschaft – Razvoj sistema vodosnabdijevanja u općini Livno.**
- Ad.26. Međunarodnih zdravstvenih propisa (2005.)**
- Ad.27. Sporazuma između Vijeća ministara BiH i Vijeća ministara Republike Albanije o saradnji u borbi protiv kriminala, posebno terorizma, ilegalne trgovine drogom i organiziranog kriminala.**
- Ad.28. Sporazuma o ekonomskoj saradnji između Vijeća ministara BiH i Vlade Republike Srbije.**
- Ad.29. Aneksa II. Sporazuma između BiH i Kraljevine Norveške o finansiranju projekta u korist pravosuđa i/ili sudova i tužilaštva u BiH.**
- Ad.30. Dodatnog protokola uz Krivičnopravnu konvencije protiv korupcije /ETS 191/, Strazbur, 15. maja 2003.**
- Ad.31. Evropske konvencije o obavještenjima o stranom pravu s Dodatnim protokolom**
- Ad.32. Amandmana na Konvenciju o osnivanju Vijeća za carinsku saradnju.**
- Ad.33. Protokola između Ministarstva sigurnosti BiH i Ministarstva unutrašnjih poslova Republike Srbije o provođenju zajedničkih patrola uz zajedničku državnu granicu**
- Ad.34. Protokola između Ministarstva sigurnosti BiH i MUP-a Republike Srbije o održavanju redovnih sastanaka predstavnika graničnih policija na državnom, regionalnom i lokalnom nivou.**
- Ad. 35. Sporazuma između Vijeća ministara BiH i Vlade Crne Gore o provođenju graničnih provjera na zajedničkim graničnim prijelazima.**

Sjednica je završena u 17,15 sati.

Sastavni dio ovog zapisnika je neautorizirani transkript 31. sjednice Doma naroda.

**SEKRETAR**  
**DOMA NARODA**  
Marin Vukoja

**PREDSJEDAVAJUĆI**  
**DOMA NARODA**  
Ilija Filipović, dipl. iur,